

02.07.2008

MUP Republike Srpske:

N/r: Načelnik Kriminalističke policije, g. Gojko VASIĆ

Policijska stanica Srebrenica:

N/r: Zapovjednik Policijske stanice Srebrenica, g. Željko VIDOVIĆ

CC: EUPM, OEES misija u BiH, OHR

PREDMET: Reagiranje zbog prijetnji novinarkama, dopisnicama "Dnevnog Avaza"

REAGIRANJE

Vijeća za tisak u Bosni i Hercegovini

i

Udruge izdavača dnevnih novina i časopisa u BiH - PRESA

zbog prijetnji i zastrašivanja upućenih novinarkama "Dnevnog Avaza", dopisnicama iz Srebrenice i Bratunca, Medihi Mustafić i Mensuri Mustafić

Poštovani,

Upravni odbor Vijeća za tisak u Bosni i Hercegovini i Udruge izdavača dnevnih novina i časopisa PRESA u BiH, upućuju vam ovo Reagiranje, tražeći vašu hitnu intervenciju i pronalaženje osobe/a koje su poslale anonimne prijeteće poruke novinarkama Radio Srebrenice i dopisnicama lista "Dnevni Avaz" iz Srebrenice i Bratunca.

Štiteći interese svojih članova, Vijeća za tisak i Udruge novinskih izdavača PRESA u Bosni i Hercegovini, a "Dnevni Avaz" jeste jedan od njih, takođe, štiteći pravo novinara u demokratskom društvu, na slobodno obavljanje svojih profesionalnih zadataka, bez pritisaka, prijetnji i onemogućavanja rada, upućujemo apel Vama, gospodine Vidoviću kao Zapovjedniku Policijske stanice Srebrenica, i Vama gospodine Vasiću kao Načelniku krim-policije MUP-a RS, da uložite napor u otkrivanje zastrašivača i preduzmete potrebne mjere za njegovo/njihovo kažnjavanje.

Također očekujemo od vas, poštovana gospođo, da pružite potpunu zaštitu novinarkama Medih Mustafić i Mensuri Mustafić.

Zastrašivanje i sprječavanje novinara u obavljanju njihovog posla u cilju sprečavanja izvješćivanja o događajima, kršenje je Konvencije o ljudskim pravima i surovo kršenje zagarantirane slobode informiranja.

U interesu javnosti i policija i novinari obavljaju svoj posao, a od policije se dodatno očekuje da pruži punu zaštitu svim građanima, uključujući i novinare u toku obavljanja njihovog posla na terenu.

Vijeće za tisak u Bosni i Hercegovini i Udruga izdavača dnevnih novina i časopisa u BiH, očekuju od vas najskorije pozitivne rezultate.

Ovo je Reagiranje također upućeno na uvid misijama: EUPM, OESS i OHR u BiH.

Upravni odbor Vijeća za tisak u Bosni i Hercegovini

PRESA - Udruga izdavača dnevnih novina i časopisa u BiH